

Relaciona cu 25 aña di Status Aparte

Ceremonia di bendicionamento di busto di Libertador Betico Croes



Den discurso di cambio di aña Minister Presidente Eman

“E cunucu a wordo cultiva pa sembra un Aruba nobo na aña 2011”

ORANJESTAD- Den su discurso di fin di aña, Minister Presidente mr Mike Eman a atende cu diferente aspecto di e maneho di su gobierno, y a inicia confirmando na e pueblo di Aruba, e compromiso di responsabilidad y di compromiso cu su Gabinete tin cu e pueblo den su totalidad.

Den e prome parti di su discurso, Premier Eman a confirma un biaha mas na e pueblo di Aruba, cu su Gobierno a cuminsa cu determinacion di cambia destino di un pais cu tabata den un situacion sumamente delicado y a bolbe enfatisa cu e cambio grandi aki, unicamente lo ser logra cu aporte y cooperacion di cada uno cu ta forma parti di e sociedad aki.

“Awenochi nos ta celebra e yegada di un aña nobo. Un momento di expectativa, promesa y compromiso. Un aña pasa riba e anochi aki mi a priminti bosonan cu aña 2010 lo ta un aña den cual hopi lucha y sacrificio lo wordo desplega pa Aruba por supera e crisis den cual nos a encontre.

Nos tabata sa kico e reto ta. E dolor y inkietud tabata marca nos punto di salida; refeneria Valero sera, turismo den decadencia, avionnan y barconan importante no tabata bin mas, desempleo grandi, perdida di entrada, pobresa, centronan di ciudad y barionan den deteoro y abandona,

Aruba den discordia cu Reino Hulandes y na cas mes añanan di polarisacion a sera porta pa dialogo, comprension y convivencia.

Frente e retonan aki, cu un confiansa grandi otorga pa un cambio di rumbo, cu un curason yen di compromiso, mi a bisa cu mi t'ey cu bosonan. Sea cual sea e sacrificio personal, mi empeño lo ta incondicional. Cu hunto nos lo lucha te na e momento cu pueblo recobra su felicidad y Aruba ta contento atrobe.

Cu e spirito di compromiso aki nos a inicia e trabao. Lora manga y traha. Dianan largo, simannan sin fin di siman, di dia pa anochi.

Manera un cunucero cu tin cu traha cu tera duro despues di añanan di segura nos a traha cu man caminda mester a traha cu man, cu herment caminda tabata tin herment pa crea un cunucu den cual por sembra y cosecha atrobe pa cada yiu riba e tera aki. Compromiso y cumplimento cu promesa y expectativa tabata e fuente di nos energia, bislumbrando luz caminda tabata tin scuridad y inicio di felicidad caminda tabata tin tristesa a tene nos cu mente, curason y alma dedica riba e trabao cu mester wordo haci.

Awenochi mi por raporta na bosonan.

E cunucu a wordo cultiva pa sembra un Aruba Nobo na aña 2011. E fundeshi a wordo poni pa construi un futuro nobo pa tur nos conciudadananon.”



ORANJESTAD – Bispo di Aña, esta 31 di December 2010 partido MEP a tene na su Sede na Santa Cruz un ceremonia di bendicionamento di e busto di e gran Arubiano y Libertador Gilberto François (Betico) Croes. E ceremonia aki a wordo organisa

hustamente na bispo di e di 25 aña di e logro di Status Aparte y di cual Betico Croes ta e arkitecto, constructor y realisador. Pastoor Rey a haci e bendicion aki dilanti lider sr. Nelson Oduber y miembronan di partido MEP. Alabes pastoor a haci un

bunita oracion dedica na MEP y esaki pa loke ta e entrada di Aña Nobo. Asina partido MEP ta cumpli cu su deber di tene bibo e memoria di Betico Croes, kende a duna su bida pa realisa e causa sagrado di nos pueblo. Despues a sigui e costumbrando cendemento di nagara dilanti di Sede di MEP